

Fra: Midtbø, Ove <fmsfomi@statsforvalteren.no>
Sendt: fredag 13. mai 2022 11:46
Til: Ketil Tjore
Kopi: Postmottak SFVL
Emne: SV: Søndagsopen matbutikk og søndagsopen blomebutikk

Hei.

Viser til e-post nedanfor med spørsmål om søndagsope.

1. Dersom blome- og plantebutikken på Mastrevik Torg fell inn under ordlyden i unntaket i Lov om helligdager og helligdagsfred § 5 nr.9, så betyr det at butikken **ikkje** er omfatta av lova. Det betyr i praksis at butikken kan halde søndagsope utan godkjenning, med mindre det finst lokale vedtekter (kommunal vedtekter) som seier noko anna. Det er butikken sitt ansvar å vurdere om dei fell inn under ordlyden i unntaksføresegna. Vi brukar også å presisere at andre lovverk gjeld som vanleg, til dømes føresegnene om arbeidstid i arbeidsmiljølova.
2. Etter helligdagsfredlova § 5 sjette ledd, kan Statsforvaltaren «*etter søknad fra kommunen ved forskrift bestemme at et område skal regnes som typisk turiststed, se annet ledd nr. 4, for hele året eller deler av året. Som typisk turiststed kan bare regnes område der salget i de aktuelle periodene hovedsakelig skjer til turister.*» Godkjenning kan gis for heile eller delar av året. Det er eit vilkår at det er «*kommunestyret*» (evt. andre organ i kommunen etter delegering), som kan vedta at kommunen skal fremje søknad om status som typisk turiststad for heile eller delar av kommunen. Det vil seie at det må vere politisk avklart at kommunen ønskjer å søkje om ein slik status.

Dokumentasjon som må leggjast ved slike søknader, er til dømes omsetningstal som syner ei auke i omsetninga, og at auka sal hovudsakleg skjer til turistar, om staden har eit «merkenamn» som turiststad mm. Slike søknader skal sendast på høyring til fleire instansar før dei eventuelt kan godkjennast ved forskrift, som til dømes Handel og kontor, kyrkjekontoret mm. Det betyr at det må påreknast noko sakshandsamingstid i slike saker – ofte inntil tre månader.

Etter helligdagsfredlova § 5 sjuande ledd, kan Statsforvaltaren også gje dispensasjon for enkeltståande søndagar når det ligg føre «*særlige grunner*». Slike søknader kan utsalsstadane sende inn sjølve, og må gjelde enkeltståande søndagar eller helligdagar. Statsforvaltaren har ikkje mynde til å gje generell dispensasjon, til dømes for ein heil sommarsesong etter denne føresegna.

Om vilkåret «*særlige grunner*» står det følgjande i førearbeida til lova, Ot.prp. nr. 11 (2002-2003) på side 10:

«Formuleringa særlige grunner vil kunne omfatte ulike forhold, som også kan variere frå distrikt til distrikt. Større hendingar, som idrettsmeisterskap, jubileum, stemne, marknader og liknande, og som vedkjem heile eller store delar av ein kommune eller eit distrikt, vil kunne danne grunnlag for dispensasjon. Det same gjeld periodisk tilbakevendande hendingar, som anløp av turistskip og årlege fiskeri, og som har stor næringsmessig betydning for ein kommune eller eit distrikt. Det kan også givast dispensasjon for mindre arrangement som "handelens dag", eller markering av ei spesiell hending for ein utsalsstad, som for eksempel 5-, 10- og 25-årsjubileum eller liknande. Slike arrangement bør likevel ikkje tillatast på søn og helgedagar....I vurderinga av om det skal

givast dispensasjon må det gjerast ei heilskapsvurdering, der alle aktuelle interesser blir trekte inn også omsyn til arbeidstakarane ved utsalsstadene.»

Oppsummert så betyr dette at det er kommunen som eventuelt må søkje til Statsforvaltaren om at heile eller delar av kommunen får status som typisk turiststad heile eller delar av året. Utsalsstader kan sjølv søkje Statsforvaltaren om dispensasjon for å kunne halde søndagsope på enkeltstående søndagar eller heilagdagar, men ikkje om generell dispensasjon for ein heil sesong.

Håpar dette var klargjerande, men ta gjerne kontakt om de har fleire spørsmål.

Med venleg helsing

Ove Midtbø

seniorrådgjevar



Telefon: 57 64 31 76

E-post: fmsfomi@statsforvalteren.no

Web: www.statsforvalteren.no/vl

Fra: Ketil Tjore <ketil.tjore@austrheim.kommune.no>

Sendt: torsdag 12. mai 2022 08:29

Til: Postmottak SFVL <sfvlpost@statsforvalteren.no>

Kopi: Midtbø, Ove <fmsfomi@statsforvalteren.no>

Emne: VS: Søndagsopen matbutikk og søndagsopen blomebutikk

God torsdag!

Fekk svar frå Ove Midtbø sin mailboks om at han har fri nokre dagar, så sender til denne adressa også.


Med vennleg helsing

Ketil Tjore

Servicekontoret

Tlf.: 56 16 20 00 / 92 20 99 16

www.austrheim.kommune.no



Eg gjer merksam på at dette ikkje er ei privat e-postadresse.

All e-post vert vurdert for eventuell journalføring i kommunen sitt sak- og arkivsystem.

Fra: Ketil Tjore

Sendt: onsdag 11. mai 2022 15:43

Til: fmsfomi@statsforvalteren.no

Emne: Søndagsopen matbutikk og søndagsopen blomebutikk

God onsdag!

Austrheim kommune har fått to spørsmål om søndagsope.

1) Det eine er ein blome- og plantebutikk på Mastrevik Torg.
Om eg har skjønt dette rett, kjem butikken innunder unntaket i

- **Lov om helligdager og helligdagsfred:**

- § 5. Salg fra faste utsalgssteder:

- 9. utsalgssteder som i det vesentlige selger blomster, planter og andre hageartikler

Er det her opp til kommunen å seia ja til søndagsope, skal Statsforvaltar gjera det, eller kan butikken berre definera seg innanfor sjølv?

2) Den andre er Joker Austrheim (AUSTRHEIM HANDEL AS).

Om eg har skjønt dette rett, må kommunen her søka Statsforvaltar om å definera denne delen av kommunen som «typisk turiststad for heile eller delar av året».

Kva er evt. sakshandsamingstida for dette?


Med vennleg helsing

Ketil Tjøre

Servicekontoret

Tlf.: 56 16 20 00 / 92 20 99 16

www.austrheim.kommune.no



Eg gjer merksam på at dette ikkje er ei privat e-postadresse.

All e-post vert vurdert for eventuell journalføring i kommunen sitt sak- og arkivsystem.